



Ассаламу аьлайкум, дустал

ХХЯХЖА БАРГЪ

Лакрал райондалул кказит. Ига бакълай 97-сса шин.

12+

«ЗАРЯ»

Нюжмар
24 апрель
2020 ш.

№18

www.zaria-online.ru
gazetazary@mail.ru

Ххувшаву ларсун - 75 шин

Фронтран бувсса кумагирттава

Буттал кIанттул цIанисса Хъун дяъвилый Ххувшаву ларсун хъунмасса бутIа бивхъуссар Лакрал райондалул захIматкашналу. Ми чIявуну хъуссар патриот зумуну сиптачитал, цал сипта хъинчулий ккавксса щала республикалул халкъуннал.

Азарахъул лакрал чIава-жагьилтал талай бивкIссар душман ххит уллай. 3000нин бивсса лак къинтта дуручлай зий бивкIссар мюхчаншиврул давурттай, чIявуссаннал дулуссар наградартту.

106 талаталал хъазам чIюлу бувсар СССРданул орденнал ва медаллал, 590нан дулуссар «За оборону Кавказа» тIисса медаль, 4595нан - «За доблестный труд в годы ВОВ».

Дяъвилул яла къизгъинсса чIуннардий, ЯтIул Аьралуннал танкардал ва самолетирттал гужру цIакъ бан, цала жипава дартIун дулуссар 4 млн.ва 35125 къуруш. Райондалий зузисса кIанттул промышленностьрал идарарттал тIайла бувкIсар 41182 чут лутту янналул, 2120 метра мучIал, 300 къяпа.

Райондалул захIматчитурал хъунисса кумагру бувсар дяъвилый тархъан дурсса районнан, кутIасса чIумуй дартIссар 18 тонна кьалмул, 2 тонна нувшул, 1000 ятту ва цIуртти, 21 гьаттара, 29 чу.

Школартту зузи бан дартIссар 120540 къ.

Анжагъ ца Карашрал колхозрал председатель **Абакаров МахIаммадул** хушрай цала жиплива фронтран дулуссар 90000 къуруш, Севастополь шагъру ччаннай бацIан бангу - 30000 къ. Гъумучиял колхозрал председатель Китачаев Султан-Билалул дулуссар 77000, Хъурхърал колхозрал председательна заместитель Тупчиев Баширдул - 30400. Мунан дуркIссар Сталиннул чулухасса барчаллагърал телеграмма. Щардал колхозрал колхозник Маммабуттаев Абачарал дулуссар 100000 къ., миччавасса Султанов Аьбидинал дулуссар чIярусала хъус, къай-къуй. Къукуннал колхозрал председатель Къурбанов Оьмардул дулуссар 90000 къ., ларсIссар 50000 къурушрансса дяъвилул заемругу. Къубиял

ЭТО ЛЕНТОЧКА ПОБЕДЫ !!!



колхозрал председатель ХIасановлул къулбас дурссар 85000 къуруш дулаврий. Мукунсса цайми агьлугу чансса къабивкIссар.

Шуниятуса комсомол организациялул секретарь Аьшшат АьбдурахIманова ва Къубатуса мукунмасса секретарь Аьлилова хъуссар райондалул жагьилтурал хъхъичIунсса сакиншинначитал.

Фронтвикнал кулпат, ХъурукIуллал фермалул каялувчи Жамилат Къурбанован хъхъичIунсса захIматрахлу дулуссар «За трудовое отличие» медаль ва ДАССР данул Верховный Советрал ХIурматрал грамота.

1944ку шинал Карашрал колхозрал колхозниктурал Дагъусттаннал захIматкашнай оьвчаву дурссар Виричу-шагъру Севастополь ччаннай бацIан бансса харжлугъ датIин.

Миннал оьвчаву цIупар кунна ппив хъуссар райондалийх, республикалийх, кутIасса чIумуй Карашрал колхозниктурал цала жипава 420000 къуруш дирхъуссар банкирай. 1944ку шинал августрай Сталиннул телеграмма дуркIссар Совет хIукуматрал барчаллагъ баян булалисса.

Райондалул захIматчитал чIявуну буккайсса бивкIссар патриот сипталуштал. Ца мукунсса оьвчавриву чивчуну бур: «Жу, Гъумучиял колхозрал колхозниктал ва колхозницахъул, Сталиннуя дуркIсса ссаламрал телеграмма ххалдиругу, ва Совет халкъуннайсса,

Сталинград фашистурал мурахас бавриясса баян баврих вичIи дирхъуну, цIусса сипта дуллай буру. ХъхъичIра «Шамиль» танкардал колонна дан дартIсса 105000 къурушрал ялун дулун 101500 къуруш. «Лакрал колхозник» тIисса истребительзал звено бангу циняв колхозниктурал ва колхозницахъайн оьвчаву дарду ва сипта хъинчулий ккаккан».

1943 шинал Къубиял комсомол организация дурккун дур хъу лакъаврил, лазуни хIадур даврил давуртту чIумуй хъхъичI ва ххуйну данну тIисса сипталуштал. Мукун райондалий сакин бувну бур 65 комсомол-жагьилтурал бригада, ккаккан дурну дур давриву лахъсса ккаккиартту.

Фронтрай лавгманал кулпат ШавкIратуса Мухтаровал звенорал 3 гьантлул мутгалий бувцуну, ххалабакIуйн ларкъуну дур 100 центнер ххалал. МахIаммад ХIажиевлул цIанисса бронепоезд бан райондалул комсомолецтурал дулуну дур 50000 къуруш, ЯтIул Аьралуннангу гъан дурну дур 11500 къуруш, 98 посылка, 159 кило яттил нисирал, чIярусса гъили январду. Мюхчаншиврул фронтран дартIун дур 1,5 млн.далунсса личIи-личIисса хъус, къайкъуй.

Гъелисса затру ЯтIул Аьралуннан датIавриву райондалул захIматкашнал ккаккан дурну дур ххуйсса гьурттушин. ДартIун гъан дурну дур: 9626 бурчу, 12072 кг. ппалул, 471 къяпа, 50 рашIу, 1128 чут ппалул катIрал, 2680 чут жулардал, 528 - шарф, 388 - ккупайкка, 330 гъели хIажак, 629 ппалул гъухъа, 76490 къуруш.

Фронтран сайгъатну хIисаврай гъан дурну дур 187 центнер дикIул, 1400 кг. ппалул, 283 кг. нагълил, 658 кг. яттил нисирал, 4690 кг. рангду муххал (арцу, мусий, дувсси). Мюхчаншиврун дургъуну дур 26 гектар хъунил.

Гихунмайгу буссар.
«Дагестан сквозь призму времени» тIисса луттирава.

Рамазан барз

«Зума дугъайсса Ттул цIанийри...»

Рамазан зуруй зума дугъаву хъанхъиссар Исламрал ца ттарцI. Му - Аллагънал гьарца бусурманчуннай бивхъусса буржри. Му бурж биттур бан ялувссар балугъравун увхсса, аькьлулул щаллусса, чурххал цIуллусса ва зума дугъан бюхъайсса гьарца мусулманчув (арамталу, хъамигу).

Щала шинай яла бусравмур, кымат лаваймур барз - Рамазан барзри. Му зуруй Аллагънал мусулмантуран пишкаш байссар ляличIисса ссайгъат - чара бакъа зума дугъаву. МухIаммад идавсил (с.а.в.с.) укуну бур, Рамазан барз бучIайхту, Алжаннул дарвазарду тIитIайссар, Дужжагърал дарвазарду лакъайссар ва щайтIантру балIайссар, мусулмантуран зарал биян къабулланшиврул, ми тIайласса ххулиял баччин къабулланшиврул, куну. Мукунма, му зуруй бувсса хъинбалардахлу Аллагънал цала лагънан ацIлину, хIатта 700лину ва муниял ххишаласса чире булайссар, куну.

«Зума дугъайсса Ттул цIанийри, - куну бур Аллагънал Каламрай, - муних чире булайссагу Нар!».

Рамазан зуруй цала бунагьирттал тавба дурманан Аллагънал ми хIалал битаншиврийнсса, Къбияматрал кьини мунал бувмунил цинцилттай хъинбалардал чул кIу хъуншиврийнсса хъул хъинну хъун шайссар. Мунияту, Рамазан барз бучIайхту, аьркинссар зува мунинин бувну бивкIсса бунагьирттал тавбагу дурну, Аллагънахъ миннул ялтту учIу тIий, миннат буллан. Зурул мутгалийгу хIараччат бан аьркинссар бюхъайсаксса чIявусса хъинбаларду бан, къабавну ливчIсса чакру хъирив лахъан, Къуран буклан, дуарду дуллан, ис-



MEGASOM
Поздравляем с началом священного месяца Рамадан!

ламрал элмурду лахълан, садкъарду буллан, лагма-ялттуминнан кумагру буллан, къадагъа дирхъумуния зува бурувчуну бикIан. Цанчирча, хъинбалардахсса чиригу, къадагъа дирхъумунихсса таммихIгу му зуруй хъинну чIяву шайссар.

Рамазан зуруй къатIув, инсантурангу чIалай цидунугу хIачлан, канан, пIарустIун, яни зума дугъаву сан къадуллан, къюкьин дуллан - му зума къадугъаври-ялгума хъунмасса бунагъри. Зума дургъуминнал чулухуннай хIурмат буну икIлаву - мугу ххуйсса аьмалли.

Амма, зума дугъаву - му ца дукра къадукаву ва хIачлия къахIачIлаву дакъар. Му мазралгу, ярунналгу, вичIалгу, чурххал цайми базурдалгу бунагьирттая урувчуну икIлавури.

Дургъусса зума ккалли хъуншиврул, аьркинссар хъхъичIмур хъхъуну ният дан, шингу, барзгу, къинигу кIицIларгун, чарабакъа дугъан аьркинсса зума дугъан. Чани хъа куну, баргъ бахълаганнинсса (маркIачIан чаклил азан дуккиннинсса) ппурттуву зума зия дансса иширттая урувчуну икIан аьркинссар. Зума дугълай айишинсса ва зума ритансса чIунгу кIулну дикIан аьркинссар.

«Аллагънал лагътуран кIулссания, Рамазан зурул кыматгу, барачатгу цуксса буссарив, миннат ччантIиссия му барз щала шинай лахъи лавгун», - куну бур МухIаммад идавсил (с.а.в.с.).

«Лакрал район» МРданул администрациялул амру

Маэшат буруччин

2020 шин. 9 апрель №38-р

Коронавирусул инфекция ппив хъанахъисса тагъарданилу «Лакрал район» МРданул социал тагъар ва экономика х1ура къадурккун дачин даву мурадрай, х1укму буллалиссар сакин бан райондалий социал тагъар ва экономика х1ура къадуккан дитаврил масъалартталсса буллансса оператив штаб вай инсантурая:

Юсуп Мах1аммадов - штабрал каялувчи.

Абакар Къюннуев - мунал заместитель.

Макъсуд Макъсудов - администрациялул бак1чинал заместитель.

Макъсуд Къадиев - ШХУлул ва экономикалул отделданул начальник.

Шяпи Щурпаев - депутатътурал собраниелул председатель.

Мусалав Мусалаев - «Ххяххабургъил» хъунама редактор.

Абйша Амирханова - финоделданул начальник.

Амин Ччут1уев - администрациялул хъунма специалист.

Байзанат Гъзаева - ШХУлул ва экономикалул отделданул начальникнал зам.

Абйшати Мусалаева - ЦЗНдалул директор.

Мах1аммад Мах1аммадов - райпорал председатель.

Абвдурах1ин Дибиров - ЦРБлул хъунма х1акин.

Мах1аммад Абачараев - ветуправлениелул начальник.

Т1агъир Ах1мадов - администрациялул отделданул начальник.

Шагъважи Куччаева - статистикалул отделданул начальник.

Закир Абйлишаев - Хъурхърал СПКлул председатель.

Сиражуттин Чавтараев - Гъунч1укъат1рал СПКлул председатель.

Циняв шяраваллал администрациярдал бак1читал.

Школа бувну къуртал бан

16 апрель 2020ш. №79-р

Арцуину кумаг байсса райондалул фондрава дичин бюджетрайсса арцу:

1. Паччах1лугърал властьрал органнал материаллал-техникалул ва арцул щаллушинна дан:

-»Лакрал район»МРданул администрациялул - 500,0 азара къуруш 414 (310) журалул харжлугъран (Гъумук 600 дуклаки оърчансса школа чач1у итадакълакъисса арцул буллалисса давурттан).

2. «ЖКХ,С и СЕЗ» МКУран - 300,0 азара къуруш 244 (310) журалул харжлугъран.


Ю.Х1.Мах1аммадов,

«Лакрал район» МРданул администрациялул бак1чи.

Лич1лулшиву

Бак1рал пикри къабулларча...

РДлул Оператив штабрал махъсса баян баврин бувну (апрель 21) республикалий коронавирусул къашавай-миннал аьдад 417найн дирунни, 11 ивк1усса хъуну ур, хъин хъусса 43 ур, къашавай буриу ххал бувну бур 12 азараксса.



Цуксса къаччайнугу, ч1алай бур, республикалий коронавирусул къашавай шаврил тагъар ххуйсса дакъашиву, цакуну ч1явусса къашавай хъушиву (46). Мунил ца савав, ттул пикрили, вай

гъантрай инсантуран, шаппа щябиклаву гъасса кунма, къат1ув, кучардайн, агъалий бат1ай кланттайн буклакаву, чач1ун бат1лат1аву, кару дугълагъаву, кувначлан кув гъанну заназаву духъунссар. Шагъурдая зунтгавун, шяраваллавун наниминнайгу маскарду, кат1ри, дезинфекция дай затру нажагъ ххал къашай. Маска ларххун наниминнайн рихшантру дувулту бур жучлава. Укун занакъулу хъанарча, туну, инфекция ппив къархъуну дик1айссарив?

(Ахир 3 лаж.)

Бюхтгулсса Ххувшаврин 75 шин

Кулпатирттаву циняв талай бивк1ун бур

Маммаев Шамсуттин увну ур Гъухъалив 1908 шитнал. Мунал нитти-буттал, Х1асаннул ва Савдатлул бувну бур мукъва оърч1: Абвдурах1ман, Написат, Шамсуттин ва Исрапил.

Шамсуттиннул бивкун бур летчиктал шайсса училище, хъуну ур абралуннаву къуллугъ буллалисса летчик. Дяъвилейн лавгун, лехлай, талай, 1943 шинал жан харж дурну дур. Мунал ахир цукун хъуссарив, чув хъуссарив к1ул бан къабювхъун бур.

Хъунма уссу Абвдурах1маннул 1930 шинал къуртал бувну бур Московливсса автодорожный институт, хъуну ур ххуллурдал инженер. Зун гъан увну ур Бакуйн. Цаппара х1аллава муначлан тихун дирзун дур нинугу.

Дяъвилул шиннардий Абвдурах1ман ивк1ун ур армиялул командуюцийнал ххуллурдалмур къуллугъралсса байсса заместительну. Щала дяъвилейн талай ивк1ун, Будапештрайн ивну ур.

Дяъви къуртал шайхту, Бакуйн занакъулу ур. Бувцуну бур га ч1умал ц1а дурккуну ивк1усса этнограф Буттаев Давудлул душ Миясат. Му бивк1ун бур Дагъусттаннал медициналул институт цалчин къуртал бувминнавасса душ.



Дяъвилейн лавгун военврачну абралуннаву зий бивк1ун бур. 1943 шинал Новороссийск шагърулуч1а контузия хъуну, шаппай гъан бувну бур.

Абвдурах1ман дяъвилейн махъ Бакуй зий ивк1ун ур хъуни ххуллурдал Хъунмур управлениелул хъунма инженерну. Муния махъ - Азербайджаннал политехнический институтрал кафедралул заведуюцийну ва деканну.

Ссу Написатлул 1935 ши-

нал къуртал бувну бур Московливсса стоматологиялул институт. Мугу дяъвилул шиннардий военврачну абралуннаву бивк1ун бур. Дяъви къуртал хъуннин жула солдатътал хъин буллайгу бивк1ун, дяъвилул ахирданий капитаннал ц1аннин лайкъ хъуну бур.

Исрапиллулгу бивккуну бур Московлив пехоталул училище, х1аписар хъуну, абралуннаву къуллугъ буллан ивк1ун ур. Яла, дяъвилейн лавгун, щала дяъвилейн талай ивк1ун ур. Дяъви къуртал шайхту, Харьковрай яхъанай ивк1ун ур.

Мукун Маммаев Х1асаннул ва Савдатлул циняв оърч1ру: шамагу арс ва душ Ватан дуручлай, дяъвилейн талай бивк1ун бур.

Шиккува бусин, Давуд Буттаевлул душ Миясат бакъасса, ч1ивима арс Расулгу дяъвилул шиннардий Ятлул Абралуннавун лавгун, фашистуращал талай ивк1ун ур. Хъунма арс Сазд т1урча, 1920 шинала дазул къат1ув лавгун, дяъвилул шиннардий франциянал абралуннаву лейтенантну ивк1ун, Иностранний легиондалулу фашистуращал талай ивк1ун ур.

Мукун, кливагу кулпатравусса арамтал ва хъами талай бивк1ун бур фашистуращал.

Гъарун Аминтаев,
Султ1анат Аминтаева
(Маммаева).

В.Сталиннул гъалмахчув - Ж.Каримов

Хъурхъиятусса Жамалуттин Каримов увну ур 1917 шинал.Мунал ппу Абйлиллул мукъва арс ивк1ун ур: Жамалуттин, Ширвани, Набижуллагъ ва Къурбан.

1930ку шиннардий Абйлил колхоз сакин дуллалиминнаву х1ала увххун ур. Му Хъурхърал колхозрал председателъну зий ивк1ун ур, цувагу зун ххирасса, цалагу, цайминналгу чулхуннай т1алавшинну дусса инсан ивк1ун ур. Арсругу мунаха лавхъхъусса, х1арачат бусса, за бувч1айсса бивк1ун бур. Школа къуртал байхту, Жамалуттин увххун ур Ленинградрайсса Авиациялул училищелувун. Тийх му дуклай ивк1ун ур Василий Сталиннушал (И.В.Сталиннул оърч1). Яла гъуртту хъуну ур Финляндиянащалсса дяъвилейн.

Буттал кланттул ц1анисса дяъви байбишайхту, му, Ватан дуручлай, фашистуращал талан ивк1ун ур. Дяъвилейн Жамалуттин, летчик ухъукун, талай ухъунссия мукуна летчикну



ивк1усса В.Сталиннушал чач1у, цанчирча, ми бивк1ун бур ххуйсса дустал. Жамалуттиннул уссу Къурбаннул кулпат Умму буслай, дяъви къуртал хъуну махъгу Васи-

лийлул чагъарду буч1айссса бивк1ун бур, Жамалуттиннул бак1рачлан бивк1умур ц1ухлахисса. Кулпатраву дирк1ун дур клирашанна сурат Жамалуттиннул ва Василийлул чач1у риршусса. Ми суратру, занакъулу ларсун дур Хъурхърал школайи зузисса ч1умал Х1ажи Къушиевлул. Амма, занакъадурну дур. Къурбан шагърулия райондалийнгула лавгун ивк1ун ур, ми ляркъуну, махъуннай ласун. Амма, ляркъин къабювхъуну бур. Му ч1умал Х1.Къушиевгу сагъну къаивк1ун ур.

Военныйталну бивк1ун бур Жамалуттиннул уссурвал Ширвани ва Набижуллагъгу. Мигу талай бивк1ун бур дяъвилейн.

Жамалуттиннул буцай душ бивк1ун, амма, цивхъуссарив, хъат1игу къабувну, кулпатгу къабувнува ливч1ун ур.


Бак1рал пикри къабулларча...

(Дайдихъу 2 лаж.)

Цайнна му азар цукунч1ав къалахъансса кунма ч1ала-ч1исса «къучиталгу» буккай. Х1атта, ва азар ляхъан дурсса азарди, иш арцуруву буссар т1уг1исса инсанталгума ттунма хъунабавкъунни. Вих къахъулт телевизорданувух, дуняллий хъанахъимуних

сайки щала дуняллий. Дяъвилул хъхъич1 ххуттаву бур медициналул зузалт. Миннайн барчаллагърай, кумагчитал, увкумур бувулт хъун аьркинссару жува цинявгу.

Ва азарданущал талатавил опыт буми, аьлимтал, х1акинтал жухъва леххаву т1ий бур, ц1анасса ч1уму-



къабургайссарив, къацлух-хайссарив шагърурдайсса мачча-ляхъиндарахъ, к1ул-миннахъ? Буклай бур х1акинтурай, эпидемиологтурай аьй дуллай, цалчин ккаккан бувмур тасттикъ къавхъунни т1ут1имигу. Коронавирус - му ц1усса, уттинин къабивк1сса, инсантуран чарича, медициналун къак1улсса к1улбакъа бала бур. Вайксса х1укуматиртгал аьлимтал щавчуну зий бур му вирус дирч1ан дайсса даруртгах луглай, к1улбан къахъанай. Гъарца к1ини баян буллай бур коронавирурал къашавайшиву ци даражалий дуссарив. Микку, дяъвилул фронтрай баян байсса кунма, буслай бур къашавай хъусса, ливт1усса, сагъ хъусса циксса буссарив.

Азарданул дяъви най бур

ву яла агъанмур бигар азар цакуну гуж къахъунсса, къашайшалт цакуну ч1яву къахъунсса ххуллурду ласун аьркиншиврия. Микку ца яла мюнпатмур ххулла шаппа щябик1аву бусса бур. Шардалу - му дуснакъ бакъархха, къатлун мюнпатсса, аьлахъансса давуртту дуллан, оьрч1ащал дуккавилсса буллан, багъраву, ахъуву зун, хъинну чара бакъа къат1ув къауклан хъунсархха! Шава щяк1аву гъалак буккансса масъала бувагу бакъар. Х1укуматралгу, инсантуралгу мукуминнан кумагругу буллай бур арцуруну, дуки-х1ач1иялийну.

Барчаллагъ хъуннав къадагъалул низам, медициналул т1алавшинну дуручлачиминнайн.

М.Мусалаев.

Зунттавусса цивилизация

Федерациялий, регионалий шуруци дурсса программардал кумаг буллай бур райондалий ялапар хъанахъисса инсантуран къулайсса масъалартту щаллу буллан.

Лакрал район хъанай дур Дагъустаннал культуралул ва рувх1анийшиврул центр, республикалул марххасса халкъуннал - Лакрал - Ватан.

Махъсса шиннардий ч1алай бур район социальныйну ва маэшатраву хъхъич1уннай хъанай душиву. Ххуйсса ккакки-яртту хъунсса ва агъамсса масъалартту биттур бансса каши-кумагруну дац1лай дур муниципалитетрал аьрщарай зузисса х1укуматрал программарду, приоритет проектру.

Райондалийсса цаппара масъаларттая укон буслай ур «Лакрал район» МРданул бак1чи Юсуп Мах1аммадов «Вестник. Северный Кавказ» журналданий:

-Лакрал райондалул административ центр Гъумучияту х1акъсса х1алкъазия бусса бур жула эра дуч1аннин VI аьсрулийва байбивхъусса. Ц1анасса ч1умал райондалий бур 19 шярваллил поселение ва 50 мюрщисса щархъурду. Микку ялапар хъанай бур 11,7 азара инсан.

Х1укуматрал программардайн ва приоритет проектирдайн бувну райондалий диялсса давуртту дан бювхъунни. Масала, 2018-2019 шиннардий «100 школа» проект биттур дуллай, капиталыйну бакъин бувссар шярваллавусса 4 школа. Райондалул агъалинал сипталийну дачин дурсса программалин бувну (местная инициатива), буллай буссар



4 строительстволул объектру: Гъумукун бухлахисса к1анттайсса Къапу (Арка), спортрал зал Гъунч1укъат1ув, капиталыйну Хан-мюртазааьлин хас дурсса гъайкал даькин даву, Гъумуксса парк бакъин баву. «Формирование комфортной городской среды» т1исса «Единая Россия» партиялул приоритет проектрайх1ин ххуй-ч1юлу бувссар Гъумучиял дянивсса, ч1явучи за-назисса к1анттурду. Ва программалуву район гуртту шайссар гъарца шинал.

Хъуннасса гурттушин дуссар цаймигу партияртгал проектирдаву: «Безопасные дороги», «Культура малой Родины» ва м.ц.

Мунил кумаг бай агъалинан къулайсса багъу-бизулул масъалартту биттур бан.

Халкъ бигъалаган ххуйсса шарт1ру хъусса давуртту хъунни «Жагъилтурал парк» ва мунил лагма-ялтгусса к1анттурду аьркинсса даражалин бувцукун.

Гъумук ц1уну буллалисса 600 оьрч1ансса школа бувну

къурталссар, му шадлугърай 2020 шинал 1 сентябрьданий т1ит1инсса пикри бур.

«Мой Дагестан - мои дороги» программа биттур дуллай, капремонт дурссар Шавк1рату Гъу-к1рав Бияннинсса ххулий. Бакъин бувссар Къурлавсса ххулла (2 км., цил багъайкунсса ххулла бувссар К1улушац1ату Ххюлусмав бияннин, шихунмай му ххулла Буршайн бияннингу бакъин бант1иссар. Райондалий бувссар цимивагу ц1усса ФАПру ва цайми давуртту.

Диялсса дансса давуртту дур райондалий 2020 шинаву.

Зий буссар Гъумук буллай лахъи лавгсса 50 тахлинсса больницалуха.


Федерал программалин бувну Мамраш-Ташкапур-Араканский мост ххулла Шавк1уллач1а буллай буссар к1ива загълунсса ламурду. 3 азара инсан щинал щаллу ан хъунсса даражалул шаннайра щин дуцаву дант1иссар райондалий. Дайдирхъуссар райондалин т1абиаьтрал газ буцавил давуртту. Дур цаймигу сукку хъусса давуртту.

К1иц1 ларгсса шиннардий производствордал ва зах1матрал кашив ишла дурну, аьмну налогиртгал планну биттур дурссар 120 процентрай ххишалану. Ва даву гихуннайгу дачинт1иссар.

Хъинну ххуйсса даражалий, ч1явусса бусравсса хъамалгу гуртту хъуну т1айла дуркссар райондалун 90 шин шаврил шадлугъ.

Ухсавнил Кавказуллал Вестник №1 2020ш.

Хъуннасса Ххувшаврин 75 шин шаврил Байрандалун



Бачу ттуч1ан ттигу курч1ил къавхъуну Вай ттул каруннаву ишласса къалан Була ттул пикрирду к1яласса ч1ап1ун К1яла чагъар щала чапал къабуну. Аьй мадара, къалан, ва ттул дак1нийгу Ч1яруну дуклай дур аьраттал хъуну, Къаччан мабик1ара ттул хияллайнгу Гьалксса дак1ния бури вай куну. Багъишла ита на к1яла ч1ап1улгу Ч1ава оьрч1ал т1уллу дур виву куну Ч1авахъулттил ч1арав ц1ан марк1ач1анай Цал угъ т1и1, цал пиш т1ий, щяк1ан куну. Мудангу куклусса къалан каниву К1уну бур ц1анакул ттул к1иссурттаву Мурчал мурхъру кунма зунттал лахънисса Ришлай дури дак1гу пикрирдавусса. Ссяяру, щяяру вай интнил гъантрай Шамагу дус жува гьалгъа т1унт1исса, Чунмайри лахъисса, жапасса ххуллийх Къалан к1яла ч1ап1уйх бачин т1ут1исса. Тяхъасса оьрч1шиву мудан дак1нисса Къаританну жура цалсса, ч1умуйсса, Оьрч1ал т1урк1у байсса т1ут1ал аревгу Къагъанну ц1анакул цуксса ччайнугу. Къак1урабаянну жагъилшивруч1ан Бак1 к1яла хъунугу хаин къашайсса Къадак1нин бутанну цалчинсса ччаврил, Асарду абадий хъунмав къашайсса. Къалахъавнну жува вай интнил гъантрай

Ч1аххурай шяравун эяллу хъусса, Къабукланну къурух шарнил чулухсса Ттурч1ири душнил ша бурив ххал буллай. Бачи, дустал, жува курч1ил къавхъуну Жула авг замана дак1нин бутанну Виртталсса буттахъал дурсса давурттан Лайкъсса кымат бищун зах1мат бишинну. Марц1сса пикри ттуву щялмахъ бакъасса Гъарца к1ини ва хъхъу на баллагисса Къаламрацца ласи, к1яласса чагъар Лакку мазрай буккин к1улманахъ буси. Бик1ича вай интнил гъилисса гъантрай Дуняллийх лехлай лакку махъругу Рейхстаграй бившусса Ххувшаврил Ттугълин Багъайкунсса кымат сивсуну бишлай. Миллатиртгал дянив фашист ух увсса Лакралмургу к1ану буссар цинмасса 6000 жагъил пикри чаннасса Бивк1ссар вирттал кунма ц1араву талай. Учин къабигъари, манная бач1и Ххувшаврищал шаппай къавхъуссар зана Шилч1ав хъхъич1 тач1ав ник къариршусса Зунттурдугу буссар угъ т1ий уттинин. Чансса бакъассари Лакрал щархъаву Къатри Хъун дяъвилул эяллу бувсса Къапу аьнт къабувна хъювун вич1илий Арснах ялугълайнна Нину дирк1усса. Ч1явунал хъазамрай чувшиврул лишан (Ахир 4 лаж.)

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев

Ответственный секретарь

К. М. Курбанов

Корреспондент

К. М. Курбанов

Опер. комп. набора

Р. И. Джалаева

Тех. редактор

А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 742 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.

(Дайдихь 3 лаж.)

ЦIуртти бакъанугу урувгнан чIалай
Фашистная Ватан дуручлай бивкIмий,
Цинявгу лайкъссари бюхттулсса цIардан.
Уккай ца-ца угъраш ламус бавххусса
Совет халкъуннал сий чIири дан ччисса,
Цала ляхъан бувсса щялмахъру буслай
Дяъвилул иширтгайн ххют рутлатисса.
Курскалийсса дяъви Совет солдатнал
Ххув къабувссари тIий уккай ца-цасса
Ххувшаву ласаврил багъана хъунал
Гъайкаллайх сси лахълай буккай цаппара
Ва ци къюкълари, ци заманари
Дяъвилул вирттаврахъ ци тIутIиссари,
Ватандалул цIаний цIаравун ххяхлай
БивкIминнал чувшиврий цан ххяхъиссари.
Щукру тIий икIара жула дяниву
ЧIявусса бушаврин тIайламур ччисса
Рейхстаграй бившуса ЯтIулсса Ттугълил
Багъайкунсса багъа бищун бюхъайсса.
Та ттул Рейхстаграйсса Чувшиврул барар
Цимигу миллион Совет халкъуннал
Та ттул Рейхстаграйсса аькълудул барар
Аьрал БерлинначIан бачин бувманал.
Рейхстаграй бившусса ЯтIулсса Ттугълий
Миллионну цIардал чичин бюхъайссар,
Лекъакъай гъайкалли циняв вирттаван
Ххувшаврил ЯтIул Ттугъ учин лайкъссари.
КIия дус Егоров ва Кантария
Рейхстаграй ттугълищIа шакилла хъусса
Хъама битайссарив тачIав шинащал
Чувшиву циссарив кIулсса инсаннал.
Рейхстаграй ЯтIул Ттугъ бившусса та ка
Ца ттул ка дакъая! Дустал ххирасса!
Та ка цинявпагу Совет халкъуннал,
Кая! Буттал Ватан дуруччин кIулсса!
Ттугъ палцIа тIутIисса лахъисса ттуршай
Миллион кардащал дуссар бусраврай
Дагъусттан халкъуннал ччарчан дяъвилый,
Ччарчагу захIматрал давурттай бивкIсса.
Дуссар дуняяллул виртталшив кIулсса
Чувшиву аьркинни чIалачIи дайсса

Хъуннасса Ххувшаврин 75 шин шаврил Байрандалун

Дяъвилул цIараву, захIматрал даврий
Гъар кIанай хъхъичIунсса Лакрал каругу.
Рейхстаграй Ххувшаврил ттугъ бившуминнал
Къюкълувух Ккурккуллал виртталгу буссар
Дяъвилый, давриву хъхъичIунминнавух
Ватандалул цIаний чувшиву дурсса.
Жу Ккурклив мудангу, багъайсса куцуй
Хъуна дакъайссари Ххувшаврил байран
Жу жула Вирттаврай дяъвилый ливчIсса
ЦIардугу гъаз дайссар цIа ларгсса КкурчIав.
Шакиллугу ларсун дяъвилый бивкIнал
Буккайсари мудан къюкъла дархIуну
Дуклаки оьрчIругу, учительгалгу
Щарнил жяматрашал Ххувшаврил кьини.
ЯтIул ттугъ палцIа тIий къюкълуд хъхъичI лахъну
Ккурккуллал вирттаврай цIарду чирчусса
«БивкIу бакъа аьрал» ккурчIах нанисса
Аьдатрал дайдахъу Ккурклия хъусса.
Щарнил чулух лахъсса «АннибакIуйгу»
Бищайссар ЯтIул Ттугъ Ххувшаврил гъантрай
Шяравун нанинахъ Вирттаван кьимат
Ккурклив хъунмашиву барашин чIалан.
75 шин цин там хъусса
Дунъяллийх цIа ларгсса Ххувшаврил байран
ХъунадакъинтIиссар гъармудан кунна
Ккурккуллал шяраву Парадгу дурну.
Га кьини шяравун зана хъунтIиссар
Цинявпагу архIал жул щарнил Вирттал
Цала шаппа-шаппайн къабуххарчангу
БигъалагантIиссар буттахъал КкурчIав.
Цала-цала пикри ца-цаних буслай
Вирттаврай дакIру ттухъ дачIра дантIиссар
КIюрххицIун чаннасса цIуртти укунма
Бат хъунтIиссар Вирттал чIу-чIитI къабувну.
Наси, Вирттал, наси зува нанинин
Зул мина духъуви тIутIал дурцIу ар
Ца шинава цIунил Буттал шяравун
Бухъхъира цинявпа цацIуну Ккурклив.
Нарив цIан лакъайхту шяравун гъанна
Зул цинявннал къатри зухлугу ккаккан
Яла кIура авну бачIвасса КкурчIав
АцIанна навалу дакI рахIат хъуннин
Хъхъу дачIи хъушиву ссавнил бусайхту
Гъан хъунна зун дурсса гъайкалданучIан

**ЦIаххуйл арс ЦIаххаев
МахIаммад-Загъруттин**

Апрель зурул 12ний хар-
хавар бакъасса бивкIулуд
ххяхпа дирзунни Щардал
шяраватусса ЦIаххуйл
арс ЦIаххаев МахIаммад-
Загъруттинуй.



Оьрмулуд чаргъираву
ппу ялату лавгун, ятин-
талну ливчIунни шама
оьрчI, щачарну лив-
чIунни кулпат СалихIат.
Хъинну хъуннасса кьур-
чIишиву ялун дирунни
уссурварал ва ссурварал.
Лякъулуд къюву ккухIлай бур
оьрмулуд бугъара хъусса нину.

МахIаммад-Загъруттин увну ур 1966 шинал майрал
20ний Щардал шяраву.

Ва ия духIин-мяърипатралгу, ас-намусралгу даража
лавайсса инсан, ка сававсса ккарччал хIакин, цал квав-
кма кIилчингу хъунаакъин хъурдай тIисса, аслийсса
лаккучув. Ванал яла ягинми хасиятуну дия жяматран
кумаг бан чялиш уккаву, дакIнил аьмал кIукIлушиву,
цалва тяхъашиврул, дугъришиврул щавци цайминнан
биян бан бюхъаву. Ванал мурччая пиш тачIав чан къа-
шайссия. Цала кутIасса оьрмулий чIявусса инсантуран
хъинбаларду бувсса адаминая.

Хъинну дакIнин къутIинсса, архниясса хаварну хъун-
ни ванал бивкIулуд хавар, щалагу щардал жяматран,
дувстуран, гъалмахтуран. Ва махъва-махъсса ххулийх
тIайла уккан мугъали хъуну бивкIми хъуннасса дягъу
дургъуну жижаралий бия. Оьрмулия щакъаливххун лав-
гунни щалагу ЦIаххаевхъал кулпатран къянкъасса ттар-
цIну хъусса МахIаммад - Загъруттин ЦIаххуйл арс.

Цал бунагьиртгал аьпа баннав! Гъав нурданул дуцIиннав!
Ванан къабуллумур оьрму оьрчIан, махъминнан булуннав!

Щардал жямат, дувстал, гъалмахтал.

ЦIаннайгу чIалачIи чаннасса цIарду

Анавар къаувккун дуккинна цIунил
Баргъ буккавал чулух архнисса зунттуй
Чаннал ща бишайхту дахъасса чIалай
Гъанна ттула шавай пахъ багъсса ккурчIайх
Зушалу пикрирай кIюрх хъунадакъин.
Бачияра, дустал, анавар букки
ТачIав хаин къашай къалам ва чагъар
ДакIнимур бусанна зул кумаграйну
Вирттаван багъайсса кьимат бищайнахъ.
МарцIсса пикри хъирив щялмахъ бакъасса
Интнил гъантрай ттуву чантIа тIутIисса
Къаламраца лавсун, кIяласса чагъар
Лакку мазрай буккин кIулманнахъ буси.
БикIича вай интил гъелисса гъантрай
Дуняяллийх лехлай ттул Лакку махъру,
Рейхстаграй бившусса Ххувшаврил Ттугълил
Багъайкунсса кьимат сивсуну бишлай.
Хъхъу утгара дурну чивчусса ххару
Вирттаван лвхъхъусса бухъуви циняв
ЦIунцIу тIисса дакIнил чирчусса назму
Хъуннасса Ххувшаврин духъуви лайкъсса.
БикIича ттул ххару халкъуннал ккалай
Агарда Вирттаван лайкъсса бухъурча
ЛичIуча назмугу абад яхъанай
Бюхттулсса Ххувшаврил кьимат гъаз буллай.
Бюхттулсса Байрангу фашист ух увсса
ЦIу-цIусса никиртгал Байранну хъувча,
Ватандалул цIаний талай бивкIминнал
Бусравсса цIардугу абад личIича.

Даниял Магъдиев

Баян баву

Бахлай ура жула тIабиаьтрацIун бакъайс-
са, Тамбовский областьрайсса Мичуринск
шагърулийсса питомникраву ххяххан бувсса
гъивчул ва хъюртул бугъай мурхъру.
Ласун ччиминнал оьвчара ва телефондалул
номерданий: 8 963 417 83 37, Гъумучи,
Самандар. (Мурхъру буссар Гъумук).